

Et privilegium pro se extorquent. Non multo post fraus ab eodem Paschali cognita.

Resumpta causa a Calisto successore.

Privilegium Paschalis casatur.

Et maternitas Ecclesie S. Joannis ad iudicatur.

Cum decreto ut Ecclesia S. Stephani consuetudines illi omnes perfolvat, quas prius temporibus solvere solebat.

Idem iuramentum ab utraque parte perpetuam firmiter iuratur.

Bisuntino Archiepiscopo ius conceditur a non advertendum in Canonico S. Stephani, nisi huic Decreto acquiescat.

ramus, advenerunt; sed cum omnia, quae acta fuerant, diligenter exponerent, proficere nullatenus potuerunt. Canonici quippe S. Stephani ita iam curiam totam figmentorum suorum fallacis, & assentionum blandimentis asperferant, ut, aliis nullum in ea locum habentibus, ipsi scriptum maternitatis acceperint. Post aliquantum temporis illorum fraudem idem Dominus & recognovisse asseritur, & super ea vehementius doluisse. Unde etiam tibi, carissime frater Archiepiscopo Anserice, per sui auctoritatem scripti liberam contulit facultatem Episcopalia, in qua velles, Ecclesia peragendi. Postea vero quam nos in apostolicae sedis administrationem. Divina fuimus gratia constituti, vos aures nostras super eadem querimonia iterum propulsastis: Nos autem supradictam deceptionem, necnon & causam omnem plenius cognoscentes, utpote qui ab ipso pueritiae nostrae tempore in illis educati partibus fuimus, & nostris totius rei veritatem oculis vidimus, utramque partem ad nostram secundum praesentiam convocavimus. Vos, ut mandatum fuerat, convenistis; sed illi se nullis praemissis excusationibus subtraxerunt. Tertio tandem terminum tam eis quam vobis in B. Lucae festivitate praefiximus; sed in parte altera etiam hac vice contempti sumus. Cum enim vos praesentes fueritis, & per quindecim dies in curia permanentes, terminum transieritis, illi nec venerunt, nec responsales aliquos transmiserunt. Quamobrem fratribus nostris Episcopis & Cardinalibus, nec non Archiepiscopis, Episcopis, & Abbatibus, qui nobiscum aderant, visum est, B. Stephani Canonicos diffugium petivisse, ne coram nobis negotium tractaretur, qui & ipsorum dolositatem, & iustitiae vestrae puritatem certissime sciebamus. Ex communi ergo eorumdem fratrum nostrorum consilio, illud maternitatis scriptum, quod per tantam fraudis versutiam saepedicto Domino nostro surreptum est, apostolica auctoritate cassamus: Statuentes, ut nullam in posterum vim prorsus obtineat; sed in tota Bisuntinae civitatis parochia, sola B. Joannis Ecclesia omnem Episcopalis Sedis & matricis Ecclesiae possideat futuris temporibus dignitatem, quam prius cognoscitur temporibus possidisse. Porro consuetudines omnes, quas Ecclesia S. Stephani a tempore Hugonis Salinensis bonae memoriae Bisuntini Archiepiscopi, usque ad tempora fratris nostri Hugonis, qui in Jerusalem peregrinatione defunctus est, tam in spiritualibus Ecclesiae, quam temporalibus vestrae perfolvit, quiete vobis deinceps, & eidem vestrae Ecclesiae perfolvantur. Ad haec, absolutionem, quam tam a te, carissime in Christo frater & Episcopo Anserice, quam & ab Humbaldo Lugdunensi Archiepiscopo, super iuramento illo, clericis utriusque Ecclesiae facta, & a nobis, dum adhuc in partibus ultramontanis effemus, confirmata est, praesentis quoque decreti pagina roboramus, & ratam perpetuo manere decernimus: auctoritate Sedis Apostolicae statuantes, & omnimodis praecipientes, ut neque vos sancti Stephani Canonicos, neque ipsi, aut quilibet persona, vos ulterius super iuramento illo praesumat impetere. Si nostrae igitur sanctioni huic B. Stephani Canonici audaci praesumptione contraire tentaverint, tibi, dilecte in Christo frater Anserice Bisuntine Archiepiscopo, tuisque successoribus, licentiam damus, de personis eorum, & de ipsa etiam Ec-

clesia, cooperante Deo, donec satisfecerint, iustitiam exequendi. Si qua etiam in futurum ecclesiastica secularive persona, hanc nostrae constitutionis paginam sciens, contra eam venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino iudicio existere de perpetrata iniquitate cognoscat & a sacratissimo Corpore & Sanguine Dei & Domini Redemptoris nostri Jesu Christi aliena fiat, atque in extremo examine districtae ultionis subiaceat. Cunctis autem eidem B. Joannis Ecclesiae iusta servantibus sit pax Domini nostri Jesu Christi, quatenus & hic fructum bonae actionis percipiant, & apud districtum Iudicem praemia aeternae pacis inveniant. Amen. Amen. Amen. Scriptum per manum Gervasii Scriptorii Regionarii sacri Palatii.

Datum Laterani. XIV. Kal. Aprilis, Indict. XV. Incarnationis Dominicae anno MCXXII. Pontificatus autem Domini Calixti II. Papae anno IV.

EGO CALIXTUS, Catholicae Ecclesiae Episcopus.

X I X.

Approbatio Instituti regularis Canonorum Ecclesiae S. Martini in Berchgete ad Salisburgum. Diocesis.

Calixtus Episcopus, Servus Servorum Dei, dilectis filiis Eberquino Praeposito, & eius fratribus in Ecclesia sanctorum Joannis & Martini, quae in Salisburgensi pago, in loco videlicet, qui Barchgetes gaden dicitur, sita est, regularem vitam professis, tam praesentibus quam futuris, in perpetuum.

Præceptum Domini habemus intrare per angustam portam, quia angusta via est, quae ducit ad vitam. Quia ergo vos, o filii in Christo dilectissimi, per divinam gratiam aspirati, mores vestros sub regularis vitae disciplina coercere, & ut angustam ingredi valeatis portam, communiter secundum sanctorum Patrum constitutionem, omnipotenti Domino deservire proposuistis: votis vestris paterno congratulamur affectu. Unde etiam petitioni vestrae, benignitatis debita impertientes assensum, religionis propositum praesentis privilegii auctoritate firmamus. Statuimus enim, ut nulli omnino hominum liceat vitae Canonice ordinem, quem professi estis, in vestra Ecclesia commutare. Neminus etiam professionis vestrae facultas sit, alicujus levitatis instinctu, vel arctioris religionis obtentu, sine Praepositi vel Congregationis licentia de claustris discedere. Quod si discesserit, nullus eum Episcoporum, nullus Abbatum, nullus Monachorum, sine communium literarum cautione suscipiat: quamdiu videlicet in Ecclesia vestra Canonici Ordinis tenor, Domino praesente, vigerit. Sanè juris ecclesiastici sacramenta a Diocesano suscipietis Episcopo, si quidem gratiam atque communionem Apostolicae Sedis habuerit, & si ea gratis ac sine pravitate voluerit exhibere; alioquin, liceat vobis pro eorumdem sacramentorum susceptione catholicum, quem-

Solite clausula.

Dat. die 19. Martii anno Domini 1122. Pont. an. IV.

Callisti PP. subscriptio.

Ex Hundis Metropoli Salisburgensi.

Exordium.

Luc. 13. Matih. 7.

Confirmatur Institutum regulare.

Obedientia Praeposito per Canonicos praestanda.

Et subscriptio Episcopo loci ordinatio.

ma-

Advocati electionem ad Canonicos spectare declaratur. Decretum immunitatis a molestia &c.

Census annuus Lateranensi Palatio per eos persolvendus.

Solite clausula.

Callisti PP. subscriptio.

Dat. die 9. Maii anno Domini 1122. Pont. ann. IV.

Descriptio. Diego ex Archiepiscopo Cathedrali Berchgetensi. lib. 1. Antiquis fol. 22. editio Bolandus ad 55. mensis Martii die vii. in fine cap. iii. Vita S. Oidegarii.

Hispaniarum Ecclesia quanta mala experiret a Paganorum oppressione.

Peccatorum remissio omnibus in expeditione contra eosdem militantibus.

Crucis signatio.

malueritis, adire Antistitem. Porro loci vestri advocatiam sine Praepositi & fratrum consensu, aut a fundatorum heredibus, aut quibuslibet aliis occupari, omnibus prohibemus. Nulli ergo omnino hominum facultas sit, praedictam Ecclesiam temere perturbare, aut ejus possessiones auferre, vel ablatas retinere, minuere, aut temerariis vexationibus fatigare; sed integra conserventur eorum, pro quorum sustentatione & gubernatione concessa sunt, usibus omnimodis profutura. Ad iudicium autem perceptae huius a Romana Ecclesia libertatis, aureum unum quotannis Lateranensi palatio persolvetur. Si qua igitur in futurum ecclesiastica secularive persona, hanc nostrae constitutionis paginam sciens, contra eam venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino iudicio existere de perpetrata iniquitate cognoscat, & a sacratissimo Corpore & Sanguine Domini Redemptoris nostri Jesu Christi aliena fiat, atque in extremo examine districtae ultionis subiaceat. Cunctis autem eidem Monasterio iusta servantibus sit pax Domini nostri Jesu Christi, quatenus, & hic fructum bonae actionis percipiant, & apud districtum Iudicem praemia aeternae pacis inveniant. Amen. EGO CALIXTUS Catholicae Ecclesiae Episcopus. Datum Laterani per manum Chrysoconi sanctae Romanae Ecclesiae Diaconi Cardinalis ac Bibliothecarii, VII. Idus Maii, Indictione XIV. Incarnationis Dominicae anno MCXXII. Pontificatus autem Domini Calixti II. Papae, anno IV.

X X.

Oldegarius, Tarraconensis Archiepiscopus, Legatus Sedis Apostolicae ad Exercitum, contra Saracenos in Hispaniis paratum, constituitur.

Calixtus Episcopus, Servus Servorum Dei, omnibus Episcopis, Regibus, Comitibus, Principibus, ceterisque Dei fidelibus, salutem & Apostolicam benedictionem.

Pastoralis officii, nobis a Deo commissi sollicitudo exposcit, ut omni vigilantia & circumspectione gregem Dominicum pacemus. Hispaniarum siquidem Ecclesia quantis calamitatibus, quantisque filiorum Dei mortibus per Paganorum oppressionem assidue conteritur, neminem vestrum latere credimus. Ea propter dilectionem vestram, tamquam Deo, cuius legatione fungimur, exhortante per nos, admoneamus, & tamquam carissimos, precibus, quibus postumus, incitamus, quatenus ad fratrum defensionem, & Ecclesiarum liberationem nullatenus desistatis. Omnibus enim in hac expeditione constanter militantibus, eandem peccatorum remissionem, quam Orientalis Ecclesiae defensoribus fecimus, auctoritate apostolica, & concessa nobis divinitus potestate, benigne concedimus. Illos autem, qui signum Crucis suis vestibus hac de causa imposuerunt, si ab hoc Paschate usque ad aliud, votum suum persolvere non faterentur, a gremio deinceps sanctae Ecclesiae, donec satisfecerint, summovemus. Verum quoniam exerci-

tum vestrum per nos, ut desiderarem, visitare nequimus, carissimum fratrem nostrum Oldegarium, Tarraconensem Archiepiscopum, ad idem ex Latere nostro delegare curavimus, nostras ei vices in hoc specialiter committentes, ut ipsius consilio & dispositione corrigenda corrigantur, & confirmanda, cooperante Domino, confirmet; si qua vero dubia in exercitu eodem emerferint, ipsius experientia terminentur. Ipsium itaque dilectioni vestrae attentius commendamus; rogantes ut illam in vobis inveniat caritatem, qua nos ad eum vobis committendum compellit. Omnipotens Dominus beatorum suorum Apostolorum meritis, sua vos miseratione custodiat, & ad gloriosam de inimicis Christianorum victoriam & felicem consummationem pervenire concedat. Dat. Laterani IV. Non. Aprilis.

X X I.

Privilegium Canonici Veronensibus concessum.

Calixtus Episcopus Servus Servorum Dei, dilectis filiis Theobaldo Archiepiscopo, & ceteris Veronensis Ecclesiae Canonicis, tam praesentibus, quam futuris, in perpetuum.

Sicut iniusta poscentibus &c., & illibata permaneat: In quibus haec propriis diximus nominibus adnotanda, Ecclesias videlicet sancti Georgii, sancti Joannis Baptiste, S. Andree, S. Clementis, S. Ceciliae, sancti Faustini, sancti Firmi cum Cappella, & sancti Pauli: In Burgo Ecclesiam sancti Joannis Baptiste, sancti Petri in Cornario, & S. Joannis in Quintiano: Castrum de Bruno cum Cappellis, & reliquis pertinentiis suis; Castrum Gratianae, Martianae, & Puliana, Biunde, Porcile, & Calmanum cum Cappellis, & ceteris pertinentiis eorum: Villam Quinti, & locum, qui dicitur villa cum cappellis earum. Decernimus ergo, ut nulli omnino hominum liceat vestram Ecclesiam temere perturbare, aut ejus possessiones auferre, vel ablatas retinere, minuere, vel temerariis vexationibus fatigare; sed omnia integra conserventur, etiam pro eorum sustentatione, pro quibus concessa sunt usibus omnimodis profutura. Ad haec adjicientes censemus, ut distributionem beneficiorum Canonice vestrae nullas impedire, inquietare, vel sibi audeat vindicare; sed sicut praeteritis temporibus constituta est, ita & in posterum, auxiliante Deo, firma & inviolabilis perseveret. Nulli etiam vestrum facultas sit beneficia, quae Capituli solent largitione distribui, de alterius manu suscipere; sed pristina in eis consuetudo futuris temporibus conservetur. Praesenti praeter ea decreto sancimus, ut si persona idonea in Ecclesia vestra reperta fuerint, nullus de alia Ecclesia in Archiepiscopatu, vel Archidiaconatu praeferat; quod si Archiepiscopatu, vel Archidiaconatu uno simul tempore obire contigerit, donec alii substituantur, eorum vices beneficiorum distributionibus per Praepositum suppleantur, quemadmodum & in collatis Ecclesiae vestrae Praedecessorum nostrorum privilegiis continetur. Si qua igitur in futurum, &c.

Oldegarii Sedis Apostolicae Legati, quae sit facultas.

Et quae praestanda obedientia.

Dat. die 2. Aprilis anno Domini 1122. Pont. an. IV.

Ex Ughellio.

EGO CALIXTUS Catholicæ Ecclesiæ Episc. Datum in Territorio Palinensi XVIII. Kal. Julii, Indictione XV. Incarnationis Dominicæ anno MCXXII. Pontificatus autem Domni Calixti II. Papæ anno IV. per manum Chrysoconi Diaconi, & Cancellarii sanctæ Apostolicæ Sedis.

XXII.

Reconciliatio Henrici Quinti Imperatoris cum sancta & Catholica Ecclesia Romana.

Calixtus Episcopus Servus Servorum Dei, carissimo in Christo filio Henrico glorioso Romanorum Imperatori Augusto, salutem & apostolicam benedictionem.

Leterur Pontifex de reconciliatione Henrici Quinti Imperatoris.

Omnipotenti Domino Deo nostro omnium bonorum laudes, & gratias agimus, qui per immensam bonitatis sue clementiam cor tuum aspiratione sui spiritus illustravit, & te jam dudum nimium reluctans, nunc tandem ad Ecclesiæ gremium revocavit. Siquidem, prout dilecti filii nostri, & Diaconi Cardinalis, & fidelium Nunciatorum tuorum relatione, ac literarum lectione percepimus, sano usus consilio, nostris, & Ecclesiæ Catholicæ salutaribus monitis humiliter obedisti. Et nos ergo in beati Petri filium paternæ affectionis brachiis te suscipimus, & personam tuam, & Imperium tanto doctius amplius & benignius diligere, ac divina præeunte gratia honorare optamus; quanto devotius præ tuis modernis prædecessoribus Romanæ Ecclesiæ obedisti, & quanto specialius carnis es nobis consanguinitate conjunctus. Age ergo, fili carissime, ut & tu nobis, & nos te fruamur in Domino. Perpendat imperialis excellentia tua quantum diuturna Ecclesiæ, Imperiique discordia, Europæ fidelibus intulerit detrimentum, & quantum nostra pax afferre poterit boni fructus Domino cooperante, incrementum. Sane de statu nostro noverit tua dilectio, quia licet nos graviter quandoque infirmi fuerimus, nunc tamen per Dei gratiam incolumes sumus; & tuam tam animæ quam corporis sanitatem per omnia desideramus. De iis autem, quæ viva voce referenda prædictis fidelibus Nuntiis tuis commissisti, per eosdem, quid nobis, & nostris videatur Fratribus, respondemus. Legatos itaque nostros, qui apud vos sunt, benevolentie vestræ attentius commendantes rogamus, ut quia concilium indistum a nobis accelerat, cito eos ad nos Domino largiente remittas. Tuos vero Legatos ita instructos dirigas, ut juxta promissum tuum, regalia in integrum Ecclesiæ Romanæ restituant. Ad hæc pro Nepote nostro Metensi Episcopo, & Fratribus ejus, gratias tuæ benignitati refecimus, quoniam in iis primitiis bonitatis tuæ cognovimus. Illa enim bonæ voluntatis opera esse conspicitur, ex qua bonæ voluntatis opera demonstrantur. Fratres enim Episcopi Cardinales, & totus Romanus Clerus unâ nobiscum te, & Principes, & Barones tuos salutant, Divinæ Majestatis misericordiam deprecantes, ut vos ad honorem suum, & Ecclesiæ spem in longum custodiat. Datum Laterani Idibus Decembris.

Sequitur Restitutio investiturarum, ab Henrico Imperatore facta.

In Nomine sanctæ & individue Trinitatis.

Go Henricus, Dei gratiâ Romanorum Imperator Augustus, pro amore Dei, & sanctæ Romanæ Ecclesiæ, & Domini Papæ Callisti, & pro remedio animæ meæ, dimitto Deo, & sanctis ejus Apostolis Petro & Paulo, ac sanctæ Catholicæ Ecclesiæ, omnem investituram per annulum & baculum; & concedo, in omnibus Ecclesiis fieri electionem, & liberam consecrationem, possessiones, & Regalia beati Petri, quæ a principio hujus discordiæ usque ad hodiernam diem, sive tempore Patris mei, sive etiam meo, ablata sunt: quæ habeo eidem sanctæ Romanæ Ecclesiæ restituo; quæ autem non habeo, ut restituantur, fideliter adjuvabo: Possessiones etiam omnium aliarum, & Principum, & aliorum tam Clericorum quam Laicorum, consilio Principum. Et do veram pacem Domino Papæ Callisto, sanctæ Romanæ Ecclesiæ, & omnibus, qui in parte ipsius sunt, vel fuerunt; & in quibus sancta Romana Ecclesia auxilium postulaverit, fideliter juvabo: & in quibus mihi querimoniam fecerit, debitam sibi justitiam faciam.

Henrici Imperatoris restitutio investiturarum Ecclesiarum omnium.

Subscriptions Principum.

- Adalbertus Moguntinus Archiepiscopus. Fridericus Colonienfis Archiepiscopus. Ratisbonensis Episcopus. Otho Bambergensis Episcopus. Bruno Spirensis Episcopus. A. Augustensis Episcopus. G. Trajectensis Episcopus. E. Abbas Fuldenfis. Northmannus Dux. Fridericus Dux. Bonifacius Marchio. Theobaldus Marchio. Cynulphus Comes. Obertus Comes. A. Berengario Comes. Godefridus Comes. Ego Fridericus Colonienfis Episcopus, & Cancellarius, recognovi.

Subsequitur Callisti Papæ II. Restitutio Regaliorum Henrico Imperatori facta.

Go Calixtus Servus Servorum Dei dilecto filio suo Henrico, Dei gratiâ Romanorum Imperatori Augusto, concedo, electiones Episcoporum & Abbatum Theutonici Regni, qui ad Regnum pertinent, in præsentia tua fieri absque simonia & aliqua violentia, ut si qua inter partes discordia emergerit, Metropolitanis & Provincialium consilio vel iudicio, saniori parti assensum, & auxilium præbeas. Electus autem Regalia per sceptrum a te recipiat, exceptis omnibus, quæ ad Romanam Ecclesiam pertinere noscuntur, & quæ ex his jure tibi debet, faciat. Ex aliis vero partibus Imperii, consecratus infra sex menses Regalia per sceptrum a te recipiat; de quibus vero mihi querimoniam feceris, & auxilium meum præstabo. Do tibi veram pacem, & omnibus, qui in parte tua sunt, vel fuerunt tempore hujus discordiæ.

Callisti Papæ Secundi restitutio regaliorum.

Data die 23. Septembris, anno Domini 1122. Pontificatus anno 11.

Data anno MCXXII. IX. Kal. Octobris. Con-

XXIII.

Confirmatio Dignitatis Primatialis Toletanæ Ecclesiæ, cum declaratione, ut eidem subjactæ sint Hispaniarum Ecclesiæ omnes, quæ suos amiserunt Episcopos post Saracenorum incursiones.

In Castelloni opere de Primatu Toletano.

Exordium.

Toletana Ecclesia, per Ildefonsi Regem de Saracenorum manu vindicata a summis officiis reddita dignitati.

ACallisto PP. antiquis donatur privilegium.

Cum declaratione jurisdictionis.

Confirmantur eadem antiqui criminis, Ecclesiæque subiectæ.

Etque, que proprios amiserunt Metropolitanos.

Donec tamen in pristinum statum redigantur.

Calixtus Episcopus Servus Servorum Dei, venerabili fratri Bernardo Toletano Primati, ejusque successoribus canonicè substituendis, in perpetuum.

Postquam supernæ misericordie dignatione insignem quondam, & inter Hispaniarum urbes magni nominis, civitatem Toletanam, studio & labore gloriosæ memoriæ regis Ildefonsi de Saracenorum tyrannide liberaverunt, Domini prædecessores nostri sanctæ recordationis Urbanus, & Paschalis, Ecclesiæ Romanæ Pontifices, ejusdem civitatis Ecclesiam pristina studuerunt restituere dignitati. Unde, reverendissime frater & Coepiscope Bernarde, pallium tibi, pontificalis videlicet officii plenitudinem, conferentes, in totis Hispaniarum regnis Primatem te privilegiorum suorum sanctionibus statuerunt: sicut prædecessores tuos prædictæ urbis Pontifices constat antiquitus extitisse: Quorum nimirum patrum nostrorum vestigiis insistentes, tam tuis, quam & reverendissimi nepotis nostri Ildefonsi regis precibus, duximus annuendum, ut auctore Domino, eundem tibi, tuisque successoribus honorem, & per vos Toletanæ Ecclesiæ confirmemus. Apostolica igitur auctoritate statuimus, ut per universa Hispaniarum regna Primatus obtineas dignitatem. Verum personam tuam in manu nostra propensiori gratia retinentes, censemus, ut solius Romani Pontificis iudicio ejus causa, si qua fuerit, decidatur. Te itaque universi Hispaniarum Præsules Primatem respicient; & ad te, si quid inter eos questione dignum exortum fuerit, referent: salva tamen in omnibus Romanæ Ecclesiæ auctoritate, & salvis Metropolitanorum privilegiis singulorum. Sane Toletanam Ecclesiam præsentis privilegii stabilitate munimus, Complutensem ei parochiam cum terminis suis, necnon & Ecclesias omnes, atque dioceses, quas jure proprio antiquitus possidisse cognoscitur, confirmantes: Episcopales præterea Sedes Ovetum, Legionem, Palentiam eidem Toletanæ Ecclesiæ, tamquam Metropoli, subditas esse decernimus: Reliquas vero, quæ antiquis ei temporibus subjacebant, cum Dominus omnipotens Christianorum restituerit potestati suæ dignatione misericordie, ad caput proprium referendas decreti hujus auctoritate sancimus. Porro illarum dioceses civitatum, quæ, Saracenis invadentibus, metropolitanos proprios amiserunt, eo tenore vestre subijcimus ditioni, ut quoad sine propriis extiterint metropolitanis, tibi, ut proprio, debeant subiacere: salvo tenore privilegii, quod a nobis Compostellanæ Ecclesiæ Pontifici est collatum. Si qua autem metropoles in statum fuerint proprium restituta, suo quoque diocesis metropolitana restituta, ut sub proprio Pastoris regimine super divini collatione beneficii gloriatur. Si qua igitur, in futurum, ecclesiastica secularive persona, hanc nostræ con-

stitutionis paginam sciens, contra eam temere venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino iudicio existere de perpetrata iniquitate cognoscat, & a sacratissimo Corpore ac Sanguine Dei & Domini Redemptoris Jesu Christi aliena fiat, atque in extremo examine districtæ ultioni subjaceat. Cunctis autem eidem Monasterio justa servantibus sit pax Domini nostri Jesu Christi, quatenus & hic fructum bonæ actionis percipiant, & apud districtum Judicem præmia æternæ pacis inveniant.

Solig clausula.

Datum Mantiz, per manum Chrysoconi S. R. E. Diac. Cardinalis, ac Bibliothecarii, III. nonas Novembris, Indictione XV. Incarnationis Dominicæ anno MCXXII. Pontificatus autem Domini Callisti II. Papæ anno IV.

Data die 3. Novembris anno Domini 1122. Pontificatus anno IV.

XXIV.

Approbatio Instituti regularis Canonicorum Bernarriensium in Ecclesia S. Martini Augustin. Diocesis.

Calixtus Episcopus Servus Servorum Dei, dilectis in Christo filiis Othoni Præposito, & ejus fratribus in B. Martini Ecclesia regularem vitam professis, tam præsentibus quam futuris, in perpetuum.

Ex Fluvio Metropoli Salsburgensi.

Religiosis desideriis dignum est facilem præbere consensum, ut fidelis devotio facilem fortiatur effectum. Eapropter nos, tam vestris, quam nobilis viri Othonis precibus inclinati, Ecclesiam vestram in honorem Domini Salvatoris, & B. Martini intra Episcopatum Augustensem, in loco, qui dicitur Bernried, constructam, in qua sub regularis vitæ observantia, & Canonici ordinis disciplina, omnipotenti Domino servare decrevistis, in B. Petri & Romanæ Ecclesiæ tutelam, protectionemque suscipimus, & Sedis Apostolicæ patrocinio communitus. Statuimus enim, ut omnia, quæ illi vel ab eodem Ottone & Uxore ejus Adelheide, vel ab aliis fidelibus de suo jure aut jam collata sunt, aut in posterum largiente Domino conferentur, quæ vobis, vestrisque successoribus in eadem religione mansuris, & illibata permaneant. Decernimus quoque, ut nulli omnino hominum liceat eandem Ecclesiam temere perturbare, aut ejus possessiones auferre, vel ablatas retinere, minuire, vel temerariis fatigationibus vexare; sed omnia iatègre conserventur, eorum, pro quorum sustentatione & gubernatione concessa sunt, usibus omnimodis profutura: salva Augustensis Episcopi reverentiâ. Præpositorum vero libera & canonica, maxime de eadem, vel de qualicumque spirituali congregatione, fiat electio: & post professionem justè exhibitam, nemini vestrum liceat proprium quid habere, nec sine Præposito vel Congregationis licentia de claustris discedere, ut in eo, quod assumpistis, proposito, largiente Domino, constanter in perpetuum maneat. Advocati etiam & Defensores eidem cellæ utiles ab ipsius loci fratribus provideantur, & libere eligantur. Ad iudicium autem perceptæ hujus a Romana Ecclesia libertatis, albam cum cingulo & ami-

Exordium.

Ecclesia S. Martini, & Canonici sub protectione Sedis Apostolicæ suscipiuntur.

Bonaque omnia ad eos spectantia confirmantur; Cum decreto omnimodis exemptionis a quacunque molesta.

Electio Præpositi a Canonici faciendæ.

Regularis discipline observantia injungitur.

Annus census altari B. Petri Laterani persolvendus.